

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva unutrašnjih poslova, Vlada Zeničko-dobojskog kantona na 128. sjednici, održanoj dana 11.01.2018. godine, donosi

ZAKLJUČAK

I.

Prihvata se mišljenje Ministarstva unutrašnjih poslova po inicijativi poslanika Rifata Delića a u vezi sa izmjenama Zakona o unutrašnjim poslovima Zeničko-dobojskog kantona – Prečišćeni tekst („Službene novine Zeničko-dobojskog kantona“ broj: 15/04, 11/05 i 09/09).

II.

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.


III.

Zaključak stupa na snagu danom donošenja.

Broj: 02-02-633 /18.
Datum, 11.01.2018. godine
Z e n i c a

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



PREMIJER
Miralem Galijašević



Broj: 08-04/1- /18.
Datum: 04.1. 2018. godine

Skupština Zeničko-dobojskog kantona putem Vlade uputila je Ministarstvu unutrašnjih poslova Zeničko-dobojskog kantona inicijativu poslanika u Skupštini Zeničko-dobojskog kantona Delić Rifata, za izmjene Zakona o unutrašnjim poslovima Zakona o unutrašnjim poslovima Zeničko-dobojskog kantona – Prečišćen tekst („Službene novine Zeničko-dobojskog kantona“ broj: 15/04, 11/05 i 09/09) radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e ć e:

MIŠLJENJE

Razmatrajući dostavljenu inicijativu poslanika u Skupštini Zeničko-dobojskog kantona Rifata Delića, za izmjene člana 28. stav (6) i (8) Zakona o unutrašnjim poslovima Zeničko-dobojskog kantona – Prečišćen tekst („Službene novine Zeničko-dobojskog kantona“ broj: 15/04, 11/05 i 09/09) Ministarstvo je mišljenja da se predložena Inicijativa prihvati i Zakon o unutrašnjim poslovima izmijeni i to član 28. stav (6) i (8) na način da se preciznije definiše u stavu (6) jedan od uslova za kandidate za izbor policijskog komesara u smislu da se precizira pojam "početak mandata" i to na način što će se dodati riječi " na dan" početka, kao i stav (8) koji je usko povezan sa gore navedenim stavom a to je da kandidat koji bude izabran za policijskog komesara i u toku mandata ispunji uslove za penziju da mu u tom slučaju ne prestaje radni odnos do isteka mandata.

Dostavljeno: 2x Naslovu,
1x a/a

S poštovanjem!



važi Zakon o kantonalnim ministarstvima i drugim tijelima uprave ("Službene novine Zeničko-dobojskog kantona", broj 16/00, 07/01, 08/01, 13/02 i 14/02), Zakon o kantonalnoj upravi za inspeksijske poslove ("Službene novine Zeničko-dobojskog kantona", broj: 2/02), Zakon o Kantonalnoj upravi civilne zaštite ("Službene novine Zeničko-dobojskog kantona", broj: 7/04).

Član 27.

Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-23894/04
22.11.2004.g.
Zenica

ZAMJENIK
PREDSJEDAVALAČ
Pero Jukić, s.r.

Na osnovu člana 2. Zakona o izmjenama i dopunama Zakona o unutrašnjim poslovima Zeničko-dobojskog kantona ("Službene novine Zeničko-dobojskog kantona" broj 04/04) i člana 168. Poslovnika o radu Skupštine Zeničko-dobojskog kantona - Prečišćen tekst, ("Službene novine Zeničko-dobojskog kantona" broj 11/00), Zakonodavno-pravna komisija, na sjednici održanoj 16.11.2004. godine, utvrdila je Prečišćeni tekst Zakona o unutrašnjim poslovima Zeničko-dobojskog kantona.

Prečišćen tekst Zakona o unutrašnjim poslovima Zeničko-dobojskog kantona obuhvata:

- Zakon o unutrašnjim poslovima Zeničko-dobojskog kantona, objavljen u "Službenim novinama Zeničko-dobojskog kantona" broj 01/97,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 02/98,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 02/98,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 08/02,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 13/02,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 08/03,
- Zakon o izmjenama i dopunama Zakona o unutrašnjim poslovima, objavljen u "Službenim novinama Zeničko-dobojskog kantona" broj 04/04 i
- Ispravka objavljena u "Službenim novinama Zeničko-dobojskog kantona" broj 07/04, u kojima je označen dan stupanja na snagu tih zakona.

Broj: 01-02-23893/04
Zenica, 22.11.2004. godine

PREDSJEDNIK
Sabira Sarvan

375.

ZAKON O UNUTRAŠNJIM POSLOVIMA ZENIČKO-DOBOJSKOG KANTONA (Prečišćeni tekst)

I OPĆE ODREDBE

Član 1.

Ovim Zakonom se uređuju unutrašnji poslovi iz nadležnosti Zeničko-dobojskog kantona (u daljem tekstu: Kanton), organizacija i nadležnost Ministarstva unutrašnjih poslova Zeničko-dobojskog kantona (u daljem tekstu: Ministarstvo), rukovođenje Ministarstvom, način vršenja poslova policije, dužnosti i prava ovlaštenih službenih lica, međusobni odnosi i saradnja Ministarstva sa Ministarstvom unutrašnjih poslova Federacije Bosne i Hercegovine (u daljem tekstu: Ministarstvo Federacije) i ministarstvima unutrašnjih poslova drugih kantona, radni odnosi, disciplinska odgovornost i stručno osposobljavanje i usavršavanje službenika Ministarstva kao i druga pitanja od značaja za ostvarivanje funkcija Kantona u oblasti unutrašnjih poslova.

Član 2.

Unutrašnji poslovi iz nadležnosti Kantona su:

1. provođenje Ustava Kantona, Federacije Bosne i Hercegovine (u daljem tekstu: Federacija) i Bosne i Hercegovine i Zakona Kantona, Federacije i Bosne i Hercegovine u pitanjima unutrašnjih poslova,
2. poslovi i zadaci policije,
3. poslovi i zadaci policije koje Ministarstvu povjeri Ministarstvo Federacije,
4. osiguranje određenih ličnosti i objekata Kantona,
5. poslovi i zadaci u vezi sa: održavanjem javnih skupova i posjedovanjem i nošenjem oružja i municije;
6. poslovi i zadaci u vezi sa: ličnim kartama, ličnim imenima, prijavama prebivališta i boravka, jedinstvenim matičnim brojem građana, matičnim knjigama, izdavanjem putnih isprava, registracijom motornih vozila, vozačkim ispitima i izdavanjem vozačkih dozvola, nadzorom nad provođenjem pravila o zaštiti od požara i eksplozija, kretanjem i boravkom stranaca, kao i udruženjima stranaca i međunarodnim organizacijama u skladu sa pravnim ovlaštenjima.

Član 3.

Poslove iz nadležnosti Kantona obavljaju organizacione jedinice u Ministarstvu, što uključuje Kabinet ministra, Upravu policije i Upravu za administraciju i podršku.

Pravilnikom o unutrašnjoj organizaciji i sistematizaciji određuje se broj i vrsta organizacionih jedinica iz prethodnog stava.

Uprava policije je odgovorna za izvršavanje zadataka i dužnosti određenih članom 2. stav 1. tačke 1. 5.

Uprava za administraciju i podršku je odgovorna za poslove i zadatke navedene u tački 6. i sve druge poslove iz nadležnosti Ministarstva, osim poslova koji su po zakonu dodijeljeni Kabinetu ministra i Upravi policije.

Član 4.

Gradani, preduzeća i druga pravna lica obavezni su da postupaju po naređenjima koja Ministarstvo i ovlaštena službena lica Ministarstva izdaju na osnovu zakonskih ovlaštenja.

Član 5.

Vlada Zeničko-dobojskog kantona (u daljem tekstu: Kantonalna vlada) odlučuje koja će lica i objekti imati posebno obezbjeđenje, a komesar Policije određuje na koji način će takva lica i objekti biti obezbjeđivani.

Član 6.

U slučaju kada Ministarstvo u vršenju poslova iz svoje nadležnosti dođe do saznanja da se priprema izvršenje krivičnog djela iz nadležnosti Federacije, odnosno da je takvo krivično djelo izvršeno, preduzet će neophodne mjere i radnje s ciljem neposrednog sprječavanja izvršenja tog djela, odnosno otkrivanja i hvatanja počinitelja tog krivičnog djela i o tome odmah obavijestiti Ministarstvo Federacije.

Član 7.

Ovlaštena službena lica dužna su da u vršenju poslova i zadataka čuvaju živote ljudi i ljudsko dostojanstvo i mogu primjenjivati samo zakonom predviđene mjere prinude, kojima se sa najmanje štetnih posljedica postiže izvršenje posla ili zadataka.

Član 8.

U slučaju kada je Ministarstvu povjereno vršenje poslova iz nadležnosti Federacije i u vršenju poslova iz zajedničke nadležnosti Kantona i Federacije, Ministarstvo neposredno primjenjuje zakone i druge propise koji su obavezujući u Federaciji.

Nadzor nad provođenjem propisa iz stava 1. može vršiti Ministarstvo Federacije uz učešće Ministarstva, a Ministarstvo ima pravo da učestvuje u utvrđivanju politike i donošenju propisa koji se odnose na svaku od tih nadležnosti.

Član 9.

Ministarstvo će obavijestiti javnost o pitanjima iz djelokruga nadležnosti Ministarstva koja su od važnosti za fizička i pravna lica, kao i o mjerama za rješavanje takvih pitanja, u skladu sa Pravilnikom o osnovnim standardnim procedurama policije pri javnim istupima i odnosima sa medijima.

Ministarstvo provodi policijske mjere i postupke na način kojima se omogućava uvid javnosti i sredstava javnog informisanja, osim u slučajevima u kojima je propisima Ministarstva utvrđena tajnost.

Propisi kojima je Ministarstvo utvrdilo tajnost moraju sadržavati propisani postupak preispitivanja, a ciljem sprečavanja zloupotreba.

Ministarstvo redovno objavljuje i čini dostupnim javnosti izvještaj o kriminalu i policijskim mjerama i postupcima.

Podatke i obavještenja za javnost, u smislu odredaba prethodnih stavova, daje ministar unutrašnjih poslova Kantona (u daljem tekstu: ministar) ili službenik koga on za to ovlasti.

**II ORGANIZACIJA I NADLEŽNOSTI
MINISTARSTVA****Član 10.**

Unutrašnje poslove iz nadležnosti Kantona vrši Ministarstvo putem svojih unutrašnjih organizacionih jedinica utvrđenih Pravilnikom o unutrašnjoj organizaciji.

Policijska uprava će se formirati unutar Kantona i biti će odgovorna za služenje jedne ili više općina.

Policijskom upravom rukovodi načelnik policijske uprave koga postavlja i razrješava policijski komesar.

Policijska uprava ima jednu ili više policijskih stanica.

Policijskom stanicom rukovodi komandir, koga postavlja i razrješava policijski komesar.

Član 11.

U vršenju nadležnosti iz člana 2. ovog Zakona Ministarstvo naročito:

1. vrši zaštitu ustavom utvrđenog poretka i sprječavanje ugrožavanja tog poretka i sigurnosti Federacije i Kantona,
2. neposredno provodi i izvršava kantonalne i federalne zakone iz svoje nadležnosti i o tome izvještava Skupštinu Kantona i Vladu Kantona,
3. rješava u upravnim postupcima utvrđenim zakonom,
4. vrši inspekcijski nadzor zaštite od požara i eksplozija, te nadzor nad vatrogasnim jedinicama,
5. vrši nadzor nad saobraćajem, prijevozom i uskladištenjem opasnih materija,
6. vrši nadzor nad provođenjem kantonalnih zakona i drugih propisa iz svoje nadležnosti,
7. prati, usmjerava i usklađuje rad policijskih uprava, naročito u poslovima i zadacima policije, a u složenijim slučajevima po potrebi i neposredno poduzima mjere za sprečavanje i otkrivanje krivičnih djela i pronalaženje i hvatanje njihovih počinitelja, pruža stručnu pomoć policijskim upravama, te vrši nadzor nad njihovim radom,
8. neposredno učestvuje u vršenju poslova i zadataka zaštite života i lične sigurnosti građana, kao i zaštitu objekata i drugih materijalnih dobara u slučaju opće opasnosti ili kad je javni red i mir narušen u većem obimu, kao i u slučaju terorističkog i drugog nasilnog djelovanja, odnosno oružane pobune,
9. vrši nadzor u pogledu izvršavanja unutrašnjih poslova koji su povjereni drugim organima, preduzećima i drugim pravnim licima,
10. priprema prijedlog organizacije i ukupnog broja policije u Kantonu i kriterije za njegovo popunjavanje,
11. utvrđuje programe stručnog osposobljavanja i usavršavanja ovlaštenih službenih lica i vrši provjeru njihove osposobljenosti, stara se o njihovoj realizaciji i naređuje izvođenje odgovarajućih vježbi,
12. stara se o primjeni i usavršavanju stručnih i naučnih metoda u radu i sadržaju rada policije,
13. vrši planiranje, organizovanje, održavanje i izgradnju jedinstvenog i funkcionalnog sistema veza, obavlja poslove prenosa i zaštite informacija i protivielektronske zaštite sistema veza,

14. vrši složenija kriminalističko-tehnička vještačenja za potrebe policijskih uprava i kriminalističko-tehnička vještačenja iz nadležnosti Ministarstva,
15. stara se o uvođenju i primjeni savremenih naučnih dostignuća u suzbijanju kriminaliteta i preduzima mjere na suzbijanju i otkrivanju krivičnih djela,
16. vrši naučno-istraživačke poslove neophodne za obezbjeđenje djelatnosti policije,
17. objavljuje kantonalne potrage i izdaje odgovarajuće glasilo o potragama,
18. obezbjeđuje jedinstvenu obradu podataka iz oblasti unutrašnjih poslova,
19. vodi propisane i druge potrebne statističke operativne evidencije i stara se o vođenju tih evidencija u policijskim upravama,
20. organizuje određene vidove zdravstvene zaštite pripadnika Ministarstva,
21. dostavlja Ministarstvu Federacije operativne podatke i obavještenja kao i statističke podatke u vezi sa poslovima iz zajedničke nadležnosti Kantona i Federacije i poslova iz nadležnosti Federacije čije je vršenje povjerenje Ministarstvu,
22. saraduje sa i dostavlja Uredu za pritužbe javnosti u Ministarstvu unutrašnjih poslova, uz nadzor od strane Nadzorne komisije koju formiraju Kantonalna vlada i Kantonalna skupština, sve dokumente vezano za navode o neprimjerenom ponašanju službenika Ministarstva. Također, daje na raspolaganje osoblje za saslušanje i pružanje pomoći kada za to postoji potreba.
23. vrši i druge poslove i zadatke koji su mu ovim i drugim zakonima stavljani u nadležnost.

Član 12.

Policijske uprave su dužne da pruže pomoć radi obezbjeđenja izvršenja poslova i zadataka koji spadaju u nadležnost drugih državnih organa i preduzeća i drugih pravnih lica kad oni na osnovu Zakona vrše javna ovlaštenja ako se prilikom tih poslova i zadataka naiđe na fizički otpor ili se takav otpor može osnovano očekivati.

O načinu i obimu pružanja pomoći u smislu prethodnog stava odlučuje načelnik policijske uprave.

Kada načelnik Policijske uprave procijeni da se prilikom pružanja pomoći u smislu stava 1. ovog člana može očekivati da će doći do organizovanog i masovnog fizičkog otpora ili upotrebe oružja, obavezan je pribaviti pismenu saglasnost policijskog komesara prije donošenja odluke iz prethodnog stava.

Član 13.

U vozovima za prevoz putnika Ministarstvo organizuje i vrši poslove i zadatke zaštite života i lične sigurnosti građana, sprečavanje izvršenja krivičnih djela i otkrivanje krivičnih djela, pronalaženje i hvatanje počinitelja krivičnih djela i održavanje javnog reda i mira.

Član 14.

Za obavljanje poslova i zadataka iz člana 11. stav 1. tačka 8. ovog Zakona, s obzirom na njihovu prirodu, obrazuje se odgovarajuća jedinica policije za podršku.

Jedinica iz prethodnog stava će preduzimati

neophodne mjere i radnje radi sprečavanja nastajanja neoptonjivih štetnih posljedica za ličnu i imovinsku sigurnost građana.

Komesar Policije postavlja i razrješava šefa jedinice iz stava 1. ovog člana uz konsultaciju sa ministrom, uzimajući njegovo mišljenje sa dužnom pažnjom u obzir.

Član 15.

Kada interes javnog poretka ili održavanje javnog reda i mira zahtijeva, policijski komesar može od službenika policije, kao i od polaznika Policijske akademije, obrazovati jednu ili više jedinica policije za izvršenje određenih poslova i zadataka.

O obrazovanju jedinice policije iz prethodnog stava, ministar je dužan obavijestiti Vladu Kantona.

Aktom o obrazovanju jedinice policije iz stava 1. određuje se sastav, starješina, naoružanje i oprema.

Starješina jedinice je odgovoran policijskom komesaru za izvršavanje određenih poslova i zadataka.

Polaznici policijske akademije iz stava 1. u izvršavanju poslova i zadataka radi kojih je osnovana jedinica policije smatraju se ovlaštenim službenicima.

Član 16.

Ministarstvo je dužno da Vladu Kantona redovno i blagovremeno informira o sigurnosnim saznanjima do kojih dolazi u vršenju poslova i zadataka iz svoje nadležnosti.

Član 17.

Pravilnikom o unutrašnjoj organizaciji i sistematizaciji Ministarstva utvrđuje se opis poslova koje vrše policijske uprave i policijske stanice, vodeći računa o njihovoj kadrovskoj, materijalnoj i tehničkoj osposobljenosti, kao i o broju stanovnika, površini i drugim bitnim karakteristikama područja za koje se obrazuje policijska uprava i policijska stanica.

Član 18.

Pravilnik o unutrašnjoj organizaciji i sistematizaciji Ministarstva donosi ministar, uz saglasnost Vlade Kantona a na prijedlog:

- komesara Policije o odredbama vezanim za rad Policije;

- direktora Uprave za administraciju i podršku kao i sekretara Ministarstva o svim ostalim odredbama vezanim za administrativna pitanja.

Pravilnikom iz stava 1. utvrđuje se naročito:

- organizacione jedinice i njihov djelokrug,

- sistematizacija radnih mjesta, broj izvršilaca u organizacionim jedinicama i na pojedinim radnim mjestima i uslovi koje bi trebalo ispunjavati službenici za raspoređivanje na određena radna mjesta,

- način rukovođenja radom organizacionih jedinica kao i posebna prava i ovlaštenja službenika u vršenju poslova i zadataka,

- način rada organizacionih jedinica u okvirima jedinstvenog rukovođenja Ministarstvom i utvrđivanje djelokruga po mjesnoj i stvarnoj nadležnosti pojedinih unutrašnjih organizacionih jedinica.

Član 19.

Konstitutivni narodi i pripadnici Ostalih bit će proporcionalno zastupljeni u ministarstvu prema popisu stanovništva iz 1991. god. sve do potpune provedbe Aneksa 7. Općeg okvirnog sporazuma za mir kao i nakon toga, u skladu sa Ustavom Federacije Bosne i Hercegovine.

Ministarstvo će donijeti propise koji će osigurati jednako postupanje prema svim licima u pružanju policijskih usluga, bez obzira na njihovu etničku, rasnu, nacionalnu, spolnu ili drugu pripadnost.

Poštivanje ovih propisa bit će podložno inspekciji.

Lice koje je bilo izloženo diskriminaciji ima pravo na naknadu štete.

Zahtjev za naknadu štete podnosi se u roku od 6 mjeseci od dana navodnog diskriminatornog postupanja.

Zahtjev za naknadu štete rješava Ministarstvo u dogovoru sa podnosiocem zahtjeva.

Ukoliko se zahtjev za naknadu štete ne riješi sporazumno u roku od 60 dana od dana podnošenja, podnosilac zahtjeva može nadležnom sudu podnijeti tužbu radi naknade štete.

Član 20.

Svi propisi koje donosi Ministarstvo, kao i sve radnje Ministarstva i njegovih službenika moraju biti u skladu sa Međunarodno prihvaćenim principima policijske službe u demokratskoj državi, koje je Federacija usvojila 26. 04. 1996. godine u Bonn-Petersbergu.

Član 21.

Svi propisi Ministarstva kao i sve radnje Ministarstva i njegovih službenika moraju biti u skladu sa Komesarovim smjernicama za demokratsku policiju u Federaciji Bosne i Hercegovine i Napomenama u vezi sa Komesarovim smjernicama, koje su donešene od strane Komesara Međunarodne policije.

III RUKOVOĐENJE MINISTARSTVOM**Član 22.**

Ministarstvom rukovodi ministar.

Ministar predstavlja Ministarstvo.

Sa ciljem sprovođenja i izvršavanja kantonalnih zakona ili izvršavanja zadataka datih od strane Vlade Kantona ministar naročito:

1. predlaže donošenje zakona i drugih propisa iz ovlaštenja Ministarstva,
2. organizuje rad Ministarstva i osigurava njegovo zakonito i efikasno funkcionisanje,
3. donosi pravilnike, naredbe, uputstva, instrukcije i druge akte iz svojih ovlasti radi izvršenja zakona i drugih propisa Kantona u oblasti unutrašnjih poslova, ukoliko je za to ovlašten tim Zakonom ili drugim propisom,
4. donosi propise o programu i načinu polaganja stručnog ispita i troškove u vezi sa polaganjem stručnog ispita u Ministarstvu,
5. preduzima odnosno predlaže preduzimanje mjera u oblasti unutrašnjih poslova iz ovlasti Kantona;
6. osigurava i ostvaruje saradnju Ministarstva sa drugim

državnim organima,

7. stara se o ostvarivanju zakonitosti rada Ministarstva i daje podatke i obavještenja za javnost,
8. osniva upravne i druge stručne komisije i odgovarajuća radna tijela za izvršavanje određenih poslova iz ovlaštenja Ministarstva,
9. odlučuje o korištenju sredstava za rad Ministarstva,
10. odlučuje o korištenju novčanih sredstava iz budžeta, opredijeljenih za dodjelu i finansiranje operativnih radnji iz ovlasti Ministarstva.
11. odlučuje o pravima i dužnostima radnika Ministarstva, izuzimajući one radnike koji odgovaraju policijskom komesaru, u skladu sa ovim Zakonom,
12. izvršava poslove i zadatke iz svojih ovlasti a u skladu sa zakonima Kantona i Federacije,
13. uspostavlja pod operativnom komandom komesara Policije sistem unutrašnje kontrole kojim će se nadzirati usklađenost postupanja pojedinih službenika i organizacionih jedinica sa Ustavom i primjenjivim zakonima, propisima i međunarodno priznatim standardima ljudskih prava. Izvještaji unutrašnje kontrole su dostupni javnosti.
14. u izuzetnim situacijama ministar može prenositi dio svojih ovlasti na svoje saradnike.

Član 23.

U slučaju odsustva ministra ili nemogućnosti obavljanja dužnosti, zamjenjuje ga sekretar Ministarstva.

IV POLICIJSKI KOMESAR**Član 24.**

Ministar nadgleda provođenje i izvršavanje kantonalnih i federalnih zakona i rukovodi ukupnom djelatnošću Ministarstva, a sve operativne odluke koje se odnose na policijske aktivnosti su u ovlaštenju policijskog komesara, u skladu sa ovim zakonom.

Član 25.

Upravom policije rukovodi policijski komesar, kao rukovodni službenik. Kancelariju policijskog komesara će sačinjavati načelnik uniformisane policije, načelnik kriminalističke policije i potrebno osoblje za podršku.

Član 26.

Pod sveobuhvatnim nadzorom ministra unutrašnjih poslova, komesar Policije rukovodi svim policijskim operacijama u skladu sa Zakonom.

Komesar Policije rukovodi i nadzire sve policijske aktivnosti vezane za javnu sigurnost građana, sprečavanje i otkrivanje krivičnih djela.

Komesar Policije obavlja sljedeće zadatke:

- (I) na dnevnoj osnovi planira, rukovodi i nadzire sve policijske aktivnosti;
- (II) neposredno rukovodi policijskim aktivnostima, a u vezi s tim organizuje, planira, nadzire, usmjerava i koordinira rad Policije;
- (III) donosi odluke o zapošljavanju i raskidanju ugovora o zapošljavanju u skladu sa Zakonom i nakon konsultacija sa ministrom;
- (IV) raspoređuje i premješta zaposlene na i sa odgovara-

jućih radnih mjesta u Upravi policije i donosi odluku o rasporedu i premještanju. Prije donošenja odluke o raspoređivanju ili premještanju rukovodilaca u Upravi policije, komesar Policije će konsultirati ministra i sa pažnjom uzeti u razmatranje njegovo mišljenje;

- (V) priprema prijedlog budžeta za potrebe Policije i odgovoran je za sva finansijska i materijalna sredstva dodijeljena Policiji;
- (VI) priprema programe, informacije, analize, i ostale materijale iz djelokruga policijskog rada;
- (VII) redovno informira ministra o preduzetim policijskim aktivnostima;
- (VIII) nadgleda rad Jedinice za profesionalne standarde, koja se sastoji od unutrašnje disciplinske kontrole, unutrašnjih inspekcija i revizija, te razmatranja i razvoja načela.

Član 27.

Mandat policijskog komesara traje 4 godine, s tim da isto lice može biti birano najviše dva puta uzastopno.

Policijskog komesara će u slučaju odsutnosti, smjene ili ostavke zamijeniti načelnik Sektora uniformisane policije do imenovanja novog policijskog komesara u skladu sa zakonom.

Član 28.

Kandidati za policijskog komesara, pored općih uslova propisanih zakonom, moraju ispunjavati i sljedeće uslove:

- imati VII stepen stručne spreme,
- da nije na spisku Međunarodnog tribunala za ratne zločine u bivšoj Jugoslaviji,

Kandidat za policijskog komesara ne može biti član političke stranke.

Osoba koja jeste ili koja je bila na bilo kojoj poziciji u političkoj stranci na bilo kojem nivou ili postavljena na bilo koju poziciju od strane političke stranke i osoba koja jeste ili koja je bila član izvršnog ili zakonodavnog tijela na bilo kojem nivou ne može biti imenovana na mjesto policijskog komesara, kao i osoba protiv koje su Međunarodne policijske snage (u daljem tekstu: IPTF) izdale izvještaj o nesaradnji.

Osoba kojoj je izrečena pravosnažna presuda za kaznena djela sa umišljajem ili za zloupotrebu položaja kako je to utvrđeno Kaznenim zakonom i Zakonom o kaznenom postupku i protiv koje su ikada izrečene disciplinske kazne za teže povrede službene dužnosti ne može biti imenovana na to mjesto.

Kandidat za poziciju komesara Policije mora imati najmanje deset godina radnog iskustva u policiji na rukovodnim pozicijama (isključujući period od 1. marta 1992. do 14. decembra 1995) i dokazanu sposobnost rukovođenja složbenim poslovima. U smislu ovog zakona, "rukovodna pozicija u policiji" označava poziciju višeg inspektora ili višu. Uz to, isti će imati najmanje čin glavnog inspektora Policije i zahtijeva se da je lice u tom činu provelo najmanje tri godine. Kandidati za mjesto komesara Policije kojima nije odobreno privremeno ovlaštenje ili autorizacija od UNIPTF neće biti uzeti u razmatranje.

Za policijskog komesara ne može se imenovati osoba koja na početku svog mandata ispunjava uslove za pozicionisanje u skladu sa Zakonom.

Kandidat daje pismenu izjavu o svom imovinskom stanju koja će biti otvorena za javnost.

Kandidati za policijskog komesara ne mogu za vrijeme početnog mandata ispunjavati uslove za penzionisanje u skladu sa Zakonom.

Član 29.

Policijski komesar će biti odabran transparentnim nezavisnim selektivnim procesom od strane Nezavisnog odbora za izbor i reviziju (u daljem tekstu: Nezavisni odbor).

Imenovanje Nezavisnog odbora će vršiti Skupština Zeničko-dobojskog kantona na prijedlog Komisije za izbor i imenovanje uz konsultaciju sa UNMIBH/IPTF za vrijeme trajanja njegovog mandata.

Član 30.

Nezavisni odbor sastoji se od sedam članova: dvjeh predstavnika MUP-a i pet članova iz reda građana (ugledni stručnjaci iz oblasti pravnih i kriminalističkih nauka i ljudskih prava, koji nisu predstavnici političkih stranaka i nisu krivično osuđivani). Za vrijeme trajanja mandata UNMIBH-a, Nezavisnom odboru će savjetodavnu pomoć pružati predstavnik IPTF-a.

Nezavisni odbor donosi Poslovnik o radu, kojim se utvrđuje način rada i odlučivanje Nezavisnog odbora trajanje mandata i finansiranje Nezavisnog odbora.

Nezavisni odbor će biti naimenovan za period od četiri godine. Članovi Nezavisnog odbora imaju prava na naknadu za rad koju određuje nadležna komisija Skupštine Kantona.

Članovi Nezavisnog odbora između sebe biraju predsjednika i potpredsjednika u skladu sa Poslovnikom Nezavisnog odbora.

Član Nezavisnog odbora može podnijeti ostavku koja stupa na snagu danom podnošenja. O podnesenoj ostavci obavještava se Skupština Kantona koja će izabrati novočlana Nezavisnog odbora u skladu sa zakonom a čiji mandat traje do isteka mandata postojećeg Nezavisnog odbora.

Nezavisni odbor može, na prijedlog sekretara Skupštine Kantona, izabrati sekretara Nezavisnog odbora iz reda službenika Stručne službe Skupštine.

Administrativne i organizacijsko-tehničke poslove za Nezavisni odbor vrši Stručna služba Skupštine Kantona.

Osobe iz člana 28. stavovi 2. i 3. ovog Zakona ne mogu biti članovi Odbora.

Član 31.

U procesu imenovanja i smjene policijskog komesara Nezavisni odbor:

1. raspisuje javni konkurs,
2. razmatra prispjele prijave,
3. vrši selekciju i odabir odgovarajućih kandidata,
4. predlaže kandidata za policijskog komesara ministru
5. razmatra sve žalbe na rad policijskog komesara uključujući i žalbe građana,
6. razmatra prijedloge Skupštine, Vlade ili ministra

- smjeni policijskog komesara,
7. predlaže smjenu policijskog komesara u slučaju ispunjenja sljedećih uslova:
- dokazanog krivičnog djela ili teškog disciplinskog prekršaja,
 - primjene člana 75. ovog Zakona,
 - izdavanja od IPTF-a izvještaja o nepridržavanju dogovorenih pravila.
8. ocjenjuje cjelokupan rad policijskog komesara u slučaju ponovnog imenovanja za drugi mandat.

Član 32.

U roku od sedam dana ministar će Vladi Zeničko-dobojskog kantona predložiti kandidata za policijskog komesara kojeg preporučí Nezavisni odbor, na imenovanje.

Vlada Kantona imenuje policijskog komesara na period od 4 godine.

U slučaju da se stav 1. ovog člana ne realizira u roku od sedam dana, Nezavisni odbor dostavlja svoj prijedlog kandidata za policijskog komesara direktno Vladi Kantona.

U slučaju da se ne složi sa predloženim kandidatom, Vlada Kantona mora dostaviti pismeno objašnjenje ministru o razlozima odbijanja i zahtjev da Nezavisni odbor ponovo razmotri svoj prijedlog.

Nezavisni odbor može objašnjenje Vlade iz prethodnog stava pobiti i potvrditi svoj prijedlog ili predložiti drugog kandidata.

Odluka Nezavisnog odbora iz prethodnog stava je obavezujuća i konačna.

Član 33.

Ako se ispune kriteriji za smjenjivanje, Nezavisni odbor će predložiti smjenu policijskog komesara Vladi preko ministra.

U slučaju da se stav 1. ovog člana ne realizuje u roku od sedam dana, Nezavisni odbor dostavlja svoj prijedlog direktno Vladi Kantona.

U slučaju da se ne složi sa predloženom smjenom, Vlada Kantona mora dostaviti pismeno objašnjenje ministru, navodeći razloge odbijanja i zahtjev da Nezavisni odbor ponovo razmotri svoj prijedlog.

Nezavisni odbor može objašnjenje Vlade Kantona iz prethodnog stava pobiti i potvrditi svoj prijedlog.

Odluka Nezavisnog odbora iz prethodnog stava je obavezujuća i konačna.

Član 34.

Za vrijeme trajanja mandata UNMIBH-a imenovanje bilo kojeg lica za radno mjesto policijskog komesara će biti predmetom certifikacije od strane UNMIBH/IPTF-a.

V POLICIJA

Član 35.

Poslove i zadatke javne bezbjednosti u Ministarstvu vrši policija.

Član 36.

Policija vrši upravne, stručne i druge poslove i zadatke koji se odnose naročito na: zaštitu života i lične

sigurnosti ljudi, zaštitu imovine, sprečavanje i otkrivanje krivičnih djela, pronalaženje i hvatanje počililaca krivičnih djela i njihovo privođenje nadležnim organima u slučajevima kada to nije u nadležnosti sudske policije, održavanje javnog reda i mira, vršenje kriminalističko-tehničkih poslova, sigurnost, kontrolu i regulisanje saobraćaja na putevima, boravak i kretanje stranaca i zaštitu određenih osoba i objekata.

Policija ne vrši vojne operacije, niti se uključuje u njih.

Član 37.

Policija je dužna vršiti svoje poslove i zadatke uz puno poštovanje ljudskog dostojanstva i osnovnih ljudskih prava svih ljudi u skladu sa Međunarodno prihvaćenim standardima ljudskih prava.

Član 38.

Poslove i zadatke neposrednog održavanja javnog reda i mira, zaštite od terorističkog i drugog nasilnog djelovanja, oružane pobune, sprečavanja i otkrivanja krivičnih djela, kontrolu i regulisanje saobraćaja na putevima, poslove i zadatke obezbjeđenja u željezničkom saobraćaju, kao i druge poslove i zadatke iz prethodnog člana, čija priroda i uslovi to zahtijevaju, vrše pripadnici policije u uniformi (u daljem tekstu: policajac).

Policajci nose propisanu uniformu sa određenim oznakama i, u skladu sa propisima o vršenju službe, naoružani su.

Policijski komesar ili službenik koga on za to ovlasti mogu odrediti da policajci određene poslove i zadatke vrše u civilnom odijelu.

Kad interesi javnog poretka ili održavanje javnog reda i mira zahtijevaju, policijski komesar ili službenik koga on za to ovlasti, može narediti da druga ovlaštena službena lica izvršavaju određene policijske poslove i zadatke u uniformi.

Član 39.

Rukovođenje u Ministarstvu se zasniva na načelima jedinstvenog rukovođenja u izvršavanju poslova i zadataka Ministarstva.

Ovlaštena službena lica su dužna da izvrše naređenja policijskog komesara, odnosno neposrednog rukovodioca, izdata radi vršenja službenih poslova i zadataka, osim onih čije bi izvršenje bilo suprotno Ustavu i Zakonu Federacije i Kantona.

VI DUŽNOSTI I PRAVA OVLAŠTENIH SLUŽBENIH LICA

Član 40.

Određeni službenici Ministarstva u vršenju poslova i zadataka policije imaju posebne dužnosti i ovlaštenja određeni ovim Zakonom (u daljem tekstu: ovlaštena službena lica).

Ovlaštenim službenim licima smatraju se službenici koji neposredno rade na operativnim poslovima i zadacima iz nadležnosti Ministarstva, kao i drugi službenici čiji poslovi, zadaci i odgovornost su u neposrednoj vezi sa vršenjem ovih poslova i zadataka.

Pravilnikom o unutrašnjoj organizaciji i sistematizaciji Ministarstva utvrđuje se ko se smatra ovlaštenim službenim licem.

Ovlaštena službena lica u Ministarstvu imaju činove. Način na koji će se dodjeljivati i oduzimati činovi utvrđuje Vlada Kantona.

Ovlaštenim službenim licima izdaje se službena legitimacija i značka.

Ovlaštena službena lica imaju pravo i dužnost da, u skladu sa propisima o vršenju poslova i zadataka policije, drže i nose oružje.

Ovlaštena službena lica daju svečanu izjavu i izjavu da će se pridržavati etičkog kodeksa za profesionalne policajce pred ministrom i policijskim komesarom.

Tekst svečane izjave glasi:

»Izjavljujem da ću se pridržavati Ustava i Zakona, da ću dužnost ovlaštenog službenog lica vršiti savjesno i odgovorno, da ću se pridržavati Etičkog kodeksa za profesionalne policajce, da ću svim svojim snagama štiti prava, slobode i sigurnost građana, i da ću poslove i zadatke ovlaštenog službenog lica izvršavati i u slučajevima kada izvršavanje tih poslova i zadataka dovodi u opasnost moj život.«

Ministarstvo će provoditi Etički kodeks za profesionalne policajce kojim su izražene vrijednosti kojima će se svaki policajac rukovoditi pri vršenju svojih poslova.

"Etički kodeks za profesionalne policajce glasi: Ovo je kodeks profesionalne etike. U okviru prijema novih policajaca u Federalnu policiju, nakon provjere njihovih podataka, oni će prvo biti testirani u vezi sa poznavanjem ovih kodeksa, a zatim će položiti zakletvu, da će se pridržavati ovog kodeksa i to na slijedeći način:

Neprikosnoveno povjerenje koje uživaju službenici policije nameće standarde ličnog i profesionalnog ponašanja u mjeri koja prevazilazi onu koja se zahtijeva od drugih članova društva. Svi službenici policije će živjeti i raditi povinujući se ovim višim standardima. Prihvatanje oznaka Federalne policije od strane policijskog službenika, ujedno predstavlja i pristanak da će se on ponašati u skladu sa slijedećim odredbama:

1. Ja sam službenik policije Federacije. Moja prva odgovornost se odnosi na sigurnost i bezbjednost svih ljudi u okviru nadležnosti Federacije.
2. Obezbeđivat ću zaštitu zakona i zakonskih sankcija jednako za sve ljude, bez obzira na njihovu vjersku ili etničku pripadnost, rasu ili spol, domovinu ili nacionalnost.
3. Zaštita života je moj najviši prioritet. Koristit ću silu samo ako druga sredstva za postizanje mojih zakonskih ciljeva ne daju rezultat, a i tada samo neophodni minimum sile. Nikada neću koristiti smrtonosnu silu, osim ukoliko je to neophodno da bih sačuvao svoj ili život neke druge osobe.
4. Kada primijetim da je u toku izvršenje nekog krivičnog djela, djelovat ću bez straha i nepristrasno. Nikada neću prihvatiti poklone ili usluge u zamjenu za obavljanje svoga posla ili u zamjenu za neobavljanje svoga posla.
5. Nikada neću krasti, ili biti umiješan u bilo kakvu

aktivnost vezanu za korupciju. Poštovat ću privatnog ljudi kojima služim i neću objelodanjavati svoja opažanja, osim ako zakon ili druge obaveze koje proizlaze iz mog poziva drugačije ne zahtijevaju.

6. Razvijat ću svoje sposobnosti kroz stalno učenje, obrazovanje i fizičku spremu kako bih postao, ne samo izuzetan policijski službenik nego i primjeran građanin.
7. Nikada se neću koristiti oznakama ili privilegijama kako bih promovisao interese bilo koje političke, vjerske ili lične ideologije, niti za svoj lični interes. Postupat ću sa najvećom mogućom nepristrasnošću i korektnošću prema svima, koristeći zakon i kodeks profesionalne etike kao odrednicu u svom radu.
8. Suočen sa problemom koji ne mogu riješiti, naći ću nekoga ko to može učiniti, ili ću to pohraniti u dokumentaciju s ciljem iznalaženja budućeg rješenja. Svoju odgovornost javnosti i svojim pretpostavljenim manifestovat ću tako što ću sastavljati detaljne, precizne i istinite izvještaje o svom radu, čak i ako učinim neke propuste, pošteno ću ih dokumentovati. Moja riječ je zalag moje časti.
9. Svojim pregalaštvom ću omogućiti bolji život svim ljudima u Federaciji. Kao službenik policije i građanin u potpunosti ću se posvetiti ovom pozivu, bez obzira na sve teškoće koje me očekuju.
10. Težit ću višim standardima. Tamo gdje bi drugi možda prekršili pravila radi ličnog interesa, ja to neću učiniti. Tamo gdje bi drugi na uvredu odgovorili agresivnošću, ja neću. Gdje bi drugi došli u iskušenje, ja ću odoljeti. Gdje bi se drugi plašili prezira ili nasilja, ja sebe neću štedjeti radi sigurnosti građana Federacije. Ja sam policajac."

Etički kodeks za profesionalne policajce bit će izrađen u prikladnom formatu i svaki policajac ga obavezno mora nositi kada je na dužnosti.

Član 41.

Ovlaštena službena lica su dužna da poslove i zadatke zaštite života, lične i imovinske sigurnosti građana, sprečavanja izvršenja krivičnih djela i hvatanja njihovih počinitelaca, kao i poslove i zadatke održavanja javnog reda i mira, vrše u svakoj prilici, bez obzira da li se nalaze na službenoj dužnosti i da li im je to posebno stavljeno u zadatak.

Ovlaštena službena lica dužna su da poslove i zadatke policije vrše i u slučaju kada izvršavanje tih poslova i zadataka dovodi u opasnost i njihov život.

Član 42.

Kad ovlašteno službeno lice u civilnom odijelu izdaje naredenje, ili vrši drugo posebno ovlaštenje po odredbama ovog zakona, prema pojedincu ili pravnom licu, dužno je da se legitimira, ako to okolnosti dozvoljavaju.

U slučaju iz prethodnog stava dužno je da se legitimira i ovlašteno službeno lice u uniformi, ako to zahtijeva lice prema kome vrši posebno ovlaštenje.

Član 43.

Ovlaštena službena lica, kada vrše poslove i zadatke

na sredstvima javnog prijevoza, imaju pravo na besplatan prijevoz tim sredstvima i na osiguranje koje imaju putnici u javnom prijevozu.

Ovlašteno službeno lice može koristiti besplatan prijevoz po odredbi prethodnog stava samo ako ima pismeni nalog za vršenje poslova i zadataka na odnosnom saobraćajnom sredstvu.

Član 44.

U vršenju poslova i zadataka radi zaštite života i lične sigurnosti građana, zaštite imovine od uništenja, oštećenja ili krađe, održavanja javnog reda i mira, bezbjednosti saobraćaja na putevima, kao i slučajevima opće opasnosti prouzrokovane elementarnim nepogodama i epidemijama, policijski komesar i drugi službenik koga on za to odredi, a u hitnim slučajevima i druga ovlaštena službena lica, mogu izdavati potrebna naređenja građanima, preduzećima i drugim pravnim licima.

Član 45.

U vršenju službenih poslova i zadataka ovlaštena službena lica imaju pravo da legitimišu lica kada je to potrebno za izvršenje poslova i zadataka i da ih, u slučajevima predviđenim Zakonom, privedu ili dovedu nadležnom organu.

Član 46.

Pored slučajeva predviđenih u Zakonu o krivičnom postupku, ovlaštena službena lica imaju pravo da privedu i lice:

1. koje remeti ili ugrožava javni red i mir ili ugrožava bezbjednost saobraćaja, ako se uspostavljanje javnog reda i mira ili otklanjanje ugrožavanja ne može postići na drugi način;
2. koje ugrožava sigurnost drugog lica ozbiljnom prijetnjom da će napasti na njegov život ili tijelo;
3. prema kome se po zakonu o prekršajima može primijeniti mjera zadržavanja;
4. čiji identitet se ne može utvrditi na licu mjesta, a postoje osnovi sumnje da je izvršilo teži prekršaj protiv javnog reda i mira ili krivično djelo za koje se goni po službenoj dužnosti.

Lica iz tačaka 1., 2., 3. i 4. mogu se zadržati u prostorijama Ministarstva najduže 24 sata.

Član 47.

Zadržanom licu izdaje se potvrda o lišenju slobode.

Potvrdu o lišenju slobode izdaje ovlašteno službeno lice Ministarstva koje je lice lišilo slobode.

Policijski komesar koji vrši lišenje slobode dužan je licu koje lišava slobode saopćiti razlog lišavanja slobode i isto upoznati sa pravima propisanim članom 4. ZKP-a (Sl. novine F BiH broj 43/98).

Član 48.

Lice koje je zadržano bez zakonskog osnova ima pravo na naknadu štete koju je zbog neosnovanog zadržavanja pretrpjelo.

Zahtjev za naknadu štete podnosi se Ministarstvu u roku od 6 mjeseci od dana kad je zadržavanje prestalo.

Zahtjev za naknadu štete rješava Ministarstvo u sporazumu sa podnosiocem zahtjeva.

Ako se sporazumno ne riješi zahtjev za naknadu štete u roku od 60 dana od dana podnošenja, lice koje je bilo zadržano može nadležnom sudu podnijeti tužbu radi naknade štete.

Član 49.

Na zahtjev lica privedenog po odredbama članova 45. i 46. ovog Zakona Ministarstvo je dužno da obavijesti njegovu porodicu ili drugo odgovarajuće lice odmah, a najkasnije u roku od 24 sata od trenutka privođenja.

Član 50.

Radi hvatanja počinioca krivičnog djela koga neposredno gone, kao i radi prevoženja do najbliže zdravstvene ustanove žrtve krivičnog djela, kao i u slučajevima elementarne nepogode ili nesretnog slučaja, ovlašteno službeno lice ima pravo da se posluži tuđim saobraćajnim vozilom ili sredstvom veze do koga može doći. O upotrebi saobraćajnog sredstva ili sredstva veze, ovlašteno službeno lice izdaje potvrdu njegovom vlasniku ili korisniku.

Vlasnik ili korisnik sredstava iz stava 1. ima pravo na naknadu materijalne štete prouzrokovane upotrebom njegovog saobraćajnog sredstva, odnosno sredstva veze.

Član 51.

Ovlaštena službena lica mogu prikupljati podatke i obavještenja i od lica koja se nalaze u pritvoru i na izdržavanju kazne zatvora, maloljetničkog zatvora, mjere bezbjednosti ili zavodske mjere u kazneno-popravnoj ili drugoj odgovarajućoj ustanovi, kada je to potrebno radi otkrivanja drugih krivičnih djela istog lica, njegovih saučesnika ili krivičnih djela drugih počinitelja, ako zakonom nije drukčije određeno. Ovi podaci i obavještenja mogu se prikupljati u vrijeme koje sporazumno odrede upravnik ili drugo ovlašteno lice te ustanovi i rukovodilac odgovarajuće organizacione jedinice Ministarstva.

Član 52.

Radi sprečavanja vršenja krivičnih djela, pronalaženja i hvatanja počinitelja krivičnih djela, pronalaženja i obezbjeđenja predmeta i tragova krivičnih djela, kao i u slučajevima narušavanja javnog reda i mira u većem obimu, Ministarstvo može vršiti zatvaranje svih prilaza određenom prostoru i objektu i onemogućiti napuštanje tog prostora i objekta bez odobrenja. Ova mjera može trajati onoliko vremena koliko je potrebno da se izvrši potrebna kontrola i hvatanje počinitelja krivičnih djela, odnosno uspostavi narušeni javni red i mir.

Preduzimanje mjere iz prethodnog stava naređuje policijski komesar.

O preduzetoj mjeri iz stava 1. obavještava se ministar.

Član 53.

Ovlaštena službena lica imaju pravo upotrijebiti odgovarajuća sredstva prinude i to: fizičku snagu i gumenu palicu, sredstva za vezivanje, hemijska sredstva,

sredstva za nasilno zaustavljanje i zaprečavanje vozila i lica, službene pse, službenu konjicu i vodeni top kada je to potrebno radi odbijanja napada na sebe ili drugo lice, ličnost ili objekat koji obezbjeđuju, radi savlađivanja otpora jednog ili više lica koja remete javni red i mir ili ugrožavaju bezbjednost saobraćaja ili lica koja treba dovesti, zadržati ili lišiti slobode, radi uspostavljanja narušenog javnog reda i mira, kao i radi sprečavanja bjekstva lica koja se sprovode ili koja treba dovesti, zadržati ili lišiti slobode ako postoji sumnja da će pokušati bjekstvo.

Osim u slučajevima iz stava 1. ovlašteno službeno lice ima pravo upotrijebiti sredstva za vezivanje i u drugim slučajevima kada treba lice dovesti, sprovesti, zadržati ili lišiti slobode.

Član 54.

Pri vršenju poslova i zadataka iz svoje nadležnosti, ovlašteno službeno lice može upotrijebiti vatreno oružje:

1. da zaštiti život ljudi;
2. da zaštiti svoj život, odnosno da od sebe odbije neposredan napad kojim se ugrožava njegov život;
3. da spriječi bjekstvo lica zatečenog u vršenju krivičnog djela, ukoliko to lice prilikom bjekstva neposredno ugrožava nečiji život;
4. da spriječi bjekstvo lica lišenog slobode i lica za koje je izdat nalog za lišenje slobode, ukoliko to lice prilikom bjekstva neposredno ugrožava nečiji život.

Izuzetno, ovlašteno službeno lice može upotrijebiti vatreno oružje i u slučaju ako drugačije ne može spriječiti bjekstvo sumnjivog lica, ako se na osnovu njegovog ponašanja i drugih odgovarajućih okolnosti može osnovano zaključiti da namjerava izvršiti napad na ličnost koju policija obezbjeđuje.

Član 55.

Ovlašteno službeno lice upotrebljava vatreno oružje iz člana 54. ako upotrebom fizičke snage, gumene palice ili drugih sredstava prinude ne može izvršiti posao, odnosno zadatak.

Ako je u datoj situaciji moguće, ovlašteno službeno lice dužno je prije upotrebe vatrene oružja da na to upozori lice prema kome ga namjerava upotrijebiti.

Ovlašteno službeno lice koje vrši poslove i zadatke u sastavu jedinice ili grupe može upotrijebiti vatreno oružje samo po naređenju starješine te jedinice, odnosno grupe.

Naređenje za upotrebu oružja može se izdati samo u slučajevima i pod uslovima predviđenim zakonom.

Član 56.

Ovlašteno službeno lice u slučaju upotrebe vatrene oružja ili drugog sredstva prinude dužno je odmah obavijestiti neposrednog rukovodioca.

Neposredni rukovodilac je dužan, najkasnije u roku od dva dana od dana saznanja da je ovlašteno službeno lice u vršenju svojih poslova i zadataka upotrijebilo vatreno oružje ili drugo sredstvo prinude iz člana 53. ovog zakona, prikupiti sve podatke i činjenice neophodne za ocjenu zakonitosti i pravilnosti upotrebe odnosno sredstva prinude ili vatrene oružja.

Zakonitost i pravilnost upotrebe vatrene oružja ili drugog sredstva prinude od strane ovlaštenog službenog lica ocjenjuje policijski komesar u roku od sedam dana od dana saznanja za upotrebu sredstava prinude ili vatrene oružja.

Ako policijski komesar utvrdi da je ovlašteno službeno lice nezakonito ili nepravilno upotrijebilo vatreno oružje ili drugo sredstvo prinude, dužan je odmah preduzeti odgovarajuće mjere za utvrđivanje odgovornosti tog ovlaštenog službenog lica.

Član 57.

Ako se protiv ovlaštenog službenog lica pokrene ili vodi krivični, prekršajni ili parnični postupak zbog upotrebe vatrene oružja ili drugog sredstva prinude u vezi sa vršenjem poslova i zadataka, Ministarstvo će tom licu obezbijediti odbranu i drugu odgovarajuću pravnu pomoć u vezi sa vođenjem postupka.

Pravna pomoć obezbijedit će se ovlaštenom službenom licu i kao oštećenom u postupku za naknadu štete, ako mu je šteta nanescena u vezi sa vršenjem poslova i zadataka.

Odredbe prethodnih stavova primjenjuju se i poslije prestanka radnog odnosa ovlaštenog službenog lica u Ministarstvu.

Ministarstvo neće pružiti pravnu pomoć po odredbama prethodnih stavova ovlaštenom službenom licu kome je za konkretni slučaj izrečena disciplinska mjera prestanka radnog odnosa zbog namjernog prekoračenja ovlaštenja, odnosno zbog zloupotrebe u vršenju poslova i zadataka, kao i u slučaju kada je Ministarstvo podnijelo krivičnu prijavu protiv ovlaštenog službenog lica.

Odredbe stava 1. i 2. shodno se primjenjuju i u pogledu lica koje je Ministarstvu, odnosno ovlaštenom službenom licu u vršenju poslova i zadataka pružilo pomoć.

Član 58.

Troškove pružanja pravne pomoći po odredbama prethodnog člana snosi Ministarstvo.

VII POSEBNE ODREDBE O MEĐUSOBNIM ODNOSIMA MINISTARSTAVA

Član 59.

Ministarstvo saraduje sa Ministarstvom unutrašnjih poslova Federacije i ministarstvima unutrašnjih poslova drugih kantona radi razmatranja i usaglašavanja stavova, usklađivanja planova, preduzimanja zajedničkih akcija i bezbjednosnih mjera od zajedničkog interesa.

Član 60.

Na zahtjev općinskog vijeća ili općinskog načelnika Ministarstvo dostavlja obavještenja, informacije i druge podatke o stanju i problemima iz djelokruga Ministarstva na tom području.

Općinsko vijeće ili općinski načelnik mogu Ministarstvu dati prijedlog, mišljenje ili pokrenuti inicijativu u vezi sa pitanjima od značaja za bezbjednost na području općine.

Ministarstvo je dužno da razmotri prijedlog, mišljen-

je ili inicijativu iz prethodnog stava i da njihovog podnosioca obavijesti o svojim stavovima i preduzetim mjerama.

Član 61.

Ministarstvo, u okvirima svoje nadležnosti, može povjeravanjem poslova i kroz druge oblike saradnje sa Ministarstvom Federacije i ministarstvima drugih kantona, obezbijediti obavljanje poslova u vezi sa školovanjem i dopunskim obrazovanjem i usavršavanjem policijskih službenika, naučno-istraživačke djelatnosti za potrebe policije, vršenjem složenijih kriminalističko-tehničkih vještačenja, opremanjem policijskom opremom, naoružanjem i drugim sredstvima, te udovoljavanja drugih potreba od zajedničkog interesa.

Član 62.

U slučaju potrebe Ministarstvo, sa organima iz člana 61. ovog zakona može preduzimati zajedničke mjere s ciljem efikasnog i blagovremenog izvršenja poslova iz člana 11. stav 1. tačka 8. ovog zakona.

Član 63.

Ovlaštena službena lica Ministarstva Federacije u vršenju poslova iz nadležnosti Federacije na području Kantona imaju iste dužnosti i ovlaštenja kao i ovlaštena službena lica Ministarstva.

Član 64.

Policijski komesar može, direktno sa ministrom unutrašnjih poslova drugog kantona, utvrđivati uslove pod kojima ovlaštene službene osobe Ministarstva unutrašnjih poslova jednog kantona mogu obavljati određene poslove i zadatke na području drugog kantona.

Član 65.

U ostvarivanju saradnje iz člana 61. ovog Zakona, ministarstva unutrašnjih poslova mogu udruživati finansijska i druga sredstva.

Član 66.

U slučaju povjeravanja poslova iz svoje nadležnosti troškove obavljanja tih poslova snosi ministarstvo koje ih je povjerilo.

Član 67.

U ostvarivanju saradnje Ministarstva sa Ministarstvom Federacije i ministarstvom unutrašnjih poslova drugih kantona obezbjeđuje se razmjena podataka, obavještenja i informacija potrebnih za uspješno vršenje poslova iz djelokruga organa unutrašnjih poslova.

Član 68.

U slučaju elementarnih nepogoda, epidemija kao i u drugim vanrednim slučajevima Ministarstvo Federacije ili ministarstvo unutrašnjih poslova drugog kantona može od Ministarstva, kao i Ministarstvo od njih, zatražiti pomoć u sredstvima, opremi i kadrovima.

U slučaju iz stava 1. Ministarstvo je dužno pružiti traženu pomoć na način i u obimu koji bitno ne otežava

ostvarivanje njegovih funkcija.

VIII RADNI ODNOSI I DISCIPLINSKA ODGOVORNOST

Član 69.

Zakoni, drugi propisi i opći akti kojima je uređena uprava i radni odnosi, plaće, zdravstveno i penzijsko osiguranje za službenike i namještenike u organima uprave Kantona, primjenjuju se i na službenike Ministarstva, ako ovim zakonom nije drugačije propisano.

Član 70.

Radni odnos u Ministarstvu može se zasnivati bez javnog konkursa i javnog oglasa.

Član 71.

Pored općih uslova za zasnivanje radnog odnosa propisanih Zakonom mogu se utvrditi i posebni uslovi u pogledu stručnih, zdravstvenih i psihofizičkih sposobnosti kandidata za službu i stručno osposobljavanje za službu u Ministarstvu.

Posebne uslove iz stava 1. propisuje ministar.

Član 72.

Ovlaštena službena lica ne mogu biti članovi bilo koje političke partije, niti članovi bilo kojeg općinskog, kantonalnog, entitetskog ili državnog zakonodavnog tijela.

Ovlaštena službena lica i drugi službenici Ministarstva ne mogu obavljati druge poslove bez odobrenja ministra.

Član 73.

Službenici Ministarstva u svojstvu pripravnika polažu stručni ispit.

Program i način polaganja stručnog ispita propisuje ministar.

Član 74.

Službenik Ministarstva dužan je da čuva službenu tajnu. Obaveza čuvanja službene tajne traje i po prestanku radnog odnosa.

Ministar donosi bliže propise o službenoj tajni, čuvanju službene tajne i odgovornosti službenika u Ministarstvu za zaštitu službene tajne.

Član 75.

Osim u slučajevima predviđenim zakonom, kojima se uređuju radni odnosi službenika organa uprave, ovlaštenom službenom licu prestaje radni odnos i u slučaju ako:

1. prestane ispunjavati posebne uslove na osnovu kojih je zasnovao radni odnos;
2. odbije da radi na poslovima i zadacima na koje je raspoređen;
3. odbije da izvrši zakonito naređenje izdato radi vršenja poslova i zadataka iz nadležnosti Ministarstva;
4. u slučaju ako se odlukom IPTF-a zabrani rad u policiji;

5. pravomoćnom sudskom presudom bude osuđen za krivično djelo, kaznom zatvora u bilo kom vremenskom trajanju;
6. se utvrdi da obavlja druge poslove bez odobrenja ministra i
7. se utvrdi da svojim radom, stručnim i drugim sposobnostima ne može odgovarati zahtjevima izvršavanja poslova i zadataka na koje je raspoređen ili ako ne ostvaruje predviđene rezultate rada.
8. kad navrší 65 godina života i najmanje 20 godina penzijskog staža, odnosno navrší 40 godina staža osiguranja bez obzira na godine života.

U slučajevima iz tačke 1. do 8. ovog člana, radni odnos prestaje danom uručenja rješenja o prestanku radnog odnosa.

Član 76.

U slučaju potrebe za izvršavanjem neodložnih poslova i zadataka, prekid korištenja godišnjeg odmora službenika Ministarstva može odrediti komesar Policije za službenike u njegovoj nadležnosti, a za druge službenike ministar ili lice koje on ovlasti.

U slučaju iz stava 1. službeniku pripada naknada putnih i drugih troškova koji su nastali zbog prekida korištenja godišnjeg odmora. Ministar utvrđuje koji troškovi, osim putnih troškova, i u kojoj visini se priznaju zbog prekida godišnjeg odmora.

Član 77.

Finansijska sredstva za plaće ovlaštenih službenih lica Ministarstva, zbog posebnih uslova rada i prirode poslova i zadataka koje obavljaju, Ministarstvu se obezbjeđuju uvećana do 30% u odnosu na sredstva koja se obezbjeđuju za plaće službenika u dugim kantonalnim organima uprave.

Član 78.

Službenik Ministarstva koji u vršenju ili povodom vršenja službenog posla ili zadatka izgubi život sahranit će se o trošku Ministarstva, u mjestu koje odredi njegova porodica.

Porodici koju je poginuli službenik izdržavao pripada jednokratna novčana pomoć u visini ukupnog iznosa plaća koje je službenik ostvario u posljednjih šest mjeseci, odnosno u visini šest prosječnih plaća za posljednjih šest mjeseci na području Kantona, ako je to za porodica povoljnije.

Naknada iz stava 2. isplaćuje se iz sredstava Ministarstva.

Član 79.

Ovlaštenom službenom licu za vrijeme privremene nesposobnosti za rad, zbog bolesti ili zbog povrede zadobijene u vezi sa vršenjem poslova i zadataka na koje je raspoređeno, pripada naknada u visini plaće ostvarene u mjesecu koji je prethodio nastupanju slučaja na osnovu kojeg ostvaruje pravo na naknadu.

Razliku između naknade za vrijeme privremene nesposobnosti koju osigurava nadležni fond zdravstvenog osiguranja i visine plaće iz stava 1. osigurava Ministarstvo.

Član 80.

Organizacionim jedinicama i službenicima Ministarstva mogu se dodjeljivati pohvale, nagrade druga priznanja za naročito zalaganje i postignute uspjehe u izvršavanju radnih zadataka. Pohvale, nagrade druga priznanja iz stava 1. utvrđuje i dodjeljuje ministar

Član 81.

Postupak za određivanje disciplinske i materijalne odgovornosti službenika Ministarstva odredit će se Pravilnikom o disciplinskoj i materijalnoj odgovornosti

Član 82.

Ured za pritužbe javnosti osniva se unutar Ministarstva unutrašnjih poslova za praćenje i nadzor nad internim mehanizmom disciplinske odgovornosti u vezi sa navodima o neprimjerenom i neprofesionalnom ponašanju službenika Ministarstva. Dužnosti i odgovornosti Ureda uređuje Vlada Kantona.

Član 83.

Pored težih povreda radne dužnosti utvrđenih zakonom kao teža povreda radne dužnosti smatra se i:

1. nemarno vršenje poslova i zadataka koje može dovesti do povrede propisa o čuvanju državne i službene tajne ili odavanje državne ili službene tajne;
2. samovoljno napuštanje radnog mjesta ili mjesta osiguranja određenih lica ili objekata;
3. nepreduzimanje ili nedovoljno preduzimanje mjera u okviru svoje dužnosti, potrebnih za sigurnost objekata, saobraćajnih i drugih sredstava, lica i povjerenih stvari;
4. nezakonito raspolaganje sredstvima ili protivpravno pribavljanje lične i materijalne koristi u vezi sa vršenjem poslova i zadataka;
5. nepreduzimanje ili nedovoljno preduzimanje mjera ili nepružanje pomoći u okviru svojih prava i dužnosti drugim službenicima Ministarstva kada izvršavaju službene radnje;
6. prikrivanje činjenica u pogledu vremena, obima i načina izvršavanja službenih radnji ili upotrebe sredstava prinude od strane drugog službenika Ministarstva, kada je izvršenjem te radnje, odnosno upotrebom sredstava prinude, učinio težu povredu radne dužnosti;
7. svaka radnja, odnosno propuštanje radnje, koja onemogućava, ometa ili otežava vršenje službenih zadataka;
8. neukazivanje pravne i druge stručne pomoći u okviru svojih prava i dužnosti nekoj stranci u ostvarivanju njenih zakonskih prava i pravnih interesa;
9. ponašanje koje šteti ugledu Ministarstva;
10. izbjegavanje obaveza u vezi sa stručnim osposobljavanjem i usavršavanjem;
11. izbjegavanje ljekarskih pregleda radi utvrđivanja sposobnosti za rad;
12. zloupotreba prava na bolovanje.

Član 84.

Službenik Ministarstva udaljiti će se privremeno iz

Ministarstva ili sa poslova i zadataka koje vrši u Ministarstvu kada je protiv njega pokrenut krivični ili disciplinski postupak, ako se, s obzirom na prirodu krivičnog djela, odnosno teže povrede radne dužnosti, okolnosti pod kojima su oni izvršeni i druge okolnosti, može osnovano zaključiti da bi bilo štetno po interes službe da službenik i dalje ostane u Ministarstvu, odnosno na poslovima i zadacima koje obavlja u Ministarstvu.

Odluku o privremenoj suspenziji u skladu sa stavom 1. ovog člana donosi komesar Policijske akademije za službenike u njegovoj nadležnosti, a za druge zaposlenike ministar ili lice koje on ovlašti.

Ovlaštenom službenom licu kome je izrečena mjera privremenog udaljenja iz Ministarstva, kao i ovlaštenom službenom licu kome je izrečena mjera privremenog udaljenja od poslova i zadataka koje vrši, ako se raspoređi na poslove i zadatke koje ne vrše ovlaštena službena lica, oduzima se oružje, službena legitimacija i značka koji su mu dati kao ovlaštenom službenom licu i za vrijeme ne smije nositi uniformu.

Odredba stava 3. shodno se primjenjuje i prema službeniku kome je izrečena disciplinska mjera raspoređivanja na druge poslove i zadatke.

Član 85.

Prigovor koji se podnosi na rješenje kojim se odlučuje o pravima i dužnostima službenika ne odgađa izvršenje rješenja.

IX STRUČNO OSPOSOBLJAVANJE

Član 86.

Ministarstvo organizuje i neposredno provodi stručno osposobljavanje i usavršavanje službenika Ministarstva i školovanje kandidata za rad u istom.

Poslovi iz stava 1. obavljaju se putem školovanja, kurseva i drugih oblika stručnog osposobljavanja i usavršavanja.

Član 87.

Kantonalno Ministarstvo će organizovati specijalističke i kurseve obnove znanja za unapređenje policijskog rada.

Lica koja žele da stupe u policiju bit će odabrana u skladu sa zahtjevima propisanim u Pravilniku o radnim odnosima za ovlaštena službena lica.

Član 88.

Ministar utvrđuje plan i program stručnog osposobljavanja i usavršavanja službenika Ministarstva.

Član 89.

Ministarstvo za svoje potrebe školuje policajce na Policijskoj akademiji.

Školovanje polaznika Policijske akademije za potrebe Ministarstva uređuje se posebnim ugovorom između ovog Ministarstva i Ministarstva unutrašnjih poslova Federacije BiH.

Međusobna prava i obaveze Policijske akademije i Ministarstva se uređuju posebnim ugovorom.

Član 90.

Za polaznike Policijske akademije iz prethodnog člana za vrijeme trajanja školovanja na akademiji osigurava se smještaj, ishrana, uniforma, obuća i rublje, udžbenici, zdravstveno i invalidsko osiguranje ukoliko to osiguranje nemaju po drugom osnovu i mjesečna primanja za neophodne lične izdatke.

Iznos mjesečnih primanja za neophodne lične izdatke polaznika Policijske akademije iz prethodnog stava ovog člana utvrđuje Vlada Kantona na prijedlog ministra.

Član 91.

Ako polaznik Policijske akademije samovoljno napusti školovanje na akademiji, zbog svoje krivice bude isključen sa školovanja, ne završi školovanje sa uspjehom ili se po završetku školovanja na akademiji ne javi na rad ili ne ostane na radu u ministarstvu, odnosno usljed njegove krivice, radni odnos prestaje prije ugovorenog roka, dužan je nadoknaditi troškove školovanja na Policijskoj akademiji, odnosno srazmjernan dio tih troškova.

Član 92.

Polaznik Policijske akademije koji uspješno završi školovanje raspoređuje se, u skladu sa ugovorenim obavezama, u Ministarstvu, kao pripravnik.

Pripravnički staž iz stava 1. traje šest mjeseci.

Za vrijeme pripravničkog staža pripravnik se osposobljava za obavljanje poslova i zadataka policajca kroz praktični rad.

Po isteku pripravničkog staža, a najkasnije u roku od šest mjeseci od završetka pripravničkog staža, pripravnik je dužan položiti stručni ispit.

Pripravniku koji ne položi stručni ispit prestaje radni odnos u Ministarstvu.

X PRELAZNE I ZAVRŠNE ODREDBE

Član 93.

Ministar je ovlašten da nakon konsultacije sa policijskim komesarom donese bliže propise o:

- vršenju poslova i zadataka policije i drugih ovlaštenih službenih lica Ministarstva,
- upotrebi sredstava prinude i vatrenog oružja policije i drugih ovlaštenih službenih lica u Ministarstvu,
- legitimaciji ovlaštenih službenih lica Ministarstva (obrascu i sadržaju obrasca, postupku za izdavanje, rok važenja i način vođenja evidencije o legitimacijama ovlaštenih službenih lica),
- načinu postupanja službenika Ministarstva sa osobama ličnim slobode,
- materijalnom poslovanju sa predmetima naoružanja i opreme u Ministarstvu,
- naoružanju i opremi policije i drugih službenika Ministarstva,
- kantonalnim oznakama policije,
- donosi druge akte iz nadležnosti Ministarstva.

Član 94.

Ministarstvo će preuzeti sve radnike organizacionih

jedinica unutrašnjih poslova koje su postojale na području Kantona, a koji su bili u radnom odnosu sa tim organima na dan stupanja na snagu ovog zakona.

Radnici iz stava 1. koji ne ispunjavaju propisane uslove ili onima koji iz drugih razloga ne budu raspoređeni u Ministarstvu stavljaju se na raspolaganje Ministarstvu Federacije.

Radnici iz stava 2. mogu ostvariti pravo na penziju ako za to ispunjavaju uslove koji su važili na dan stupanja na snagu ovog zakona.

Član 95.

U roku od 30 dana od dana stupanja na snagu ovog zakona izvršit će se primopredaja materijalno-tehničkih sredstava, opreme, naoružanja, inventara i drugih stvari, kao i arhive i dokumentacije između organizacionih jedinica organa unutrašnjih poslova koje su postojale na području Kantona i Ministarstva, a u vezi sa poslovima iz nadležnosti Ministarstva.

Preuzimanje imovine, arhive i dokumentacije iz prethodnog stava izvršit će posebna komisija.

Komisiju iz stava 2. sačinjavaju dva predstavnika organizacione jedinice unutrašnjih poslova koja vrše primopredaju i dva predstavnika Ministarstva. Zapisnik o preuzimanju potpisuju svi članovi komisije.

Član 96.

Nepokretne stvari, oprema, inventar i druge stvari, arhiva i druga dokumentacija, osnovna sredstva, sredstva za rad i sredstva fondova organizacionih jedinica unutrašnjih poslova koje su postojale na području Kantona, prenose se 31. decembra 1996. godine na Kanton.

Kanton će se upisati u javnim knjigama u kojima se upisuju prava na nekretnine kao nosilac prava raspolaganja na nekretninama iz prethodnog stava.

Član 97.

Pravilnik o unutrašnjoj organizaciji i sistematizaciji Ministarstva donijet će se u roku od 15 dana od dana stupanja na snagu ovog Zakona.

Propisi iz člana 93. ovog Zakona donijet će se u roku od dva mjeseca od stupanja na snagu ovog Zakona.

Do stupanja na snagu propisa iz stava 1. i drugih propisa u oblasti unutrašnjih poslova iz nadležnosti Kantona shodno će se primjenjivati zatečeni propisi koji su bili na snazi na području Kantona do dana stupanja na snagu ovog Zakona.

375.

Na osnovu člana 1.10. Izbornog Zakona Bosne i Hercegovine («Službene novine Bosne i Hercegovine», broj: 23/01, 7/02, 9/02, 20/02-ispravka, 25/02 i 4/04) i člana 17. Poslovnika o radu Skupštine Zeničko-dobojskog kantona - Prečišćeni tekst («Službene novine Zeničko-dobojskog kantona», broj: 11/00), Skupština Zeničko-dobojskog kantona, na XXIV sjednici, održanoj 18.11.2004.godine, donijela je

ODLUKU o prestanku mandata poslanik u Skupštini Zeničko-dobojskog kantona

Član 1.

Husejinu Smajloviću prestaje mandat poslanik Skupštini Zeničko-dobojskog kantona, na lični zahtj

Član 2.

Odluka stupa na snagu danom donošenja i objavi se u «Službenim novinama Zeničko-dobojskog kantona».

Broj: 01-34-23754/04
19.11.2004.g.
Zenica

ZAMJEN.
PREDSJEDAVAJUĆI
Pero Jukić.

376.

Na osnovu člana 149. Poslovnika o radu Skupštine Zeničko-dobojskog kantona («Službene novine Zeničko-dobojskog kantona», broj:11/00), a i izvršenom savjetovanju Budžeta Zeničko-dobojskog kantona za 2004. godinu objavljenog u «Službenim novinama Zeničko-dobojskog kantona, broj:1/04), i Izvornikom Budžeta Zeničko-dobojskog kantona za 2004. godinu uočena je greška, te se daje sljedeća

ISPRAVKA

I

U Budžetu Zeničko-dobojskog kantona za 2004. godinu («Službene novine Zeničko-dobojskog kantona» broj:1/04), u članu 3. razdjel 12, budžetska organizacija 01, potrošačka jedinica 0001, ekonomski kod 614100 Transfer općinama treba da stoji iznos: «100.000,00 KM», a u ekonomskom kodu 821600 Investiciono održavanje umjesto iznosa od «14.807.229,00 KM» treba da stoji: «14.707.229,00 KM».

II

Ispravka će se objaviti u «Službenim novinama Zeničko-dobojskog kantona».

Broj:01-14-27693-1/03
21.12.2004. godine
Zenica

SEKREটার
Emina Sinanović, s.n.

ZAKON**o izmjeni Zakona o unutrašnjim poslovima
Zeničko-dobojskog kantona****Član 1.**

U Zakonu o unutrašnjim poslovima Zeničko-dobojskog kantona-Prečišćeni tekst («Službene novine Zeničko-dobojskog kantona» broj 15/04), u članu 28. stav 5. iza riječi «najmanje» riječ «tri» zamjenjuje se riječju «dvije».

Član 2.

Ovaj zakon stupa na snagu danom objavljivanja u «Službenim novinama Zeničko-dobojskog kantona».

Broj: 01-02-28380/05

PREDSJEDAVAJUĆI

Zenica, 13.10.2005. godine

Bestin Spahić, s.r.

307

BIH
02.
15.
ci.

1
6.

t
g

ija



Broj: 01-25-12-09/17
Zenica, 21.12.2017. godine

25-12-2017

01/2-02-1-6867/17

05/2
29.12.17


- VLADA ZENIČKO-DOBOJSKOG KANTONA
 - n/r premijera Kantona
 - n/r sekretara Vlade
- ZAKONODAVNO-PRAVNA KOMISIJA SKUPŠTINE-putem Odjeljenja za poslove radih tijela Skupštine – 04-01

PREDMET: Inicijativa za izmjenu člana 28. stav 6. i 8. Zakona o unutrašnjim poslovima Zeničko-dobojskog kantona - dostavlja se

Rifat Delić, poslanik u Skupštini Zeničko-dobojskog kantona podnio je u pisanoj formi na 51. sjednici Skupštine Zeničko-dobojskog kantona održanoj 18.12.2017. godine, Inicijativu za izmjenu člana 28. stav 6. i 8. Zakona o unutrašnjim poslovima Zeničko-dobojskog kantona-Prečišćeni tekst („Službene novine Zeničko-dobojskog kantona“, broj: 15/04, 11/05 i 09/09).

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona, u prilogu vam dostavljam na mišljenje predmetnu inicijativu o kojoj ste se dužni izjasniti u roku od 30 dana, radi daljeg postupanja Skupštine po istoj u skladu s Poslovníkom Skupštine.

S poštovanjem!



PRILOG: Inicijativa poslanika Delića od 18.12.2017. godine predata u pisanoj formi

Dostavljeno:

1x Naslovu

1x Svim poslanicima Skupštine/05-03

1x Ministarstvu unutrašnjih poslova ZDK, na znanje

1x U spis predmeta/03 „R“

Rifat Delić, zastupnik u Skupštini Zeničko-dobojskog kantona

Skupština Zeničko-dobojskog kantona

PREDMET: Zastupnička inicijativa

U skladu sa članovima 11. i 112., te članovima od 194. do 199. Poslovnika Skupštine Zeničko-dobojskog kantona- Novi prečišćeni tekst ("Službene novine Zeničko-dobojskog kantona", broj: 7/12) pokrećem Inicijativu prema Ministarstvu unutrašnjih poslova Zeničko-dobojskog kantona za izmjene Zakona o unutrašnjim poslovima Zakona o unutrašnjim poslovima Zeničko-dobojskog kantona – Prečišćen tekst („Službene novine Zeničko-dobojskog kantona“ broj: 15/04, 11/05 i 09/09).

Opravdanost izmjene koje ću predložiti nalazim u otklanjanju nejasnoća u primjeni pomenutog Zakona.

Izmjene se odnose na sljedeće:

- a) Da se u članu 28. stav (6) Zakona o unutrašnjim poslovima riječi "na početku", zamijene riječima " na dan početka".
- b) Stav (8) mijenja se i glasi: " **Policijskom službeniku imenovanom na poziciju Policijskog komesara neće prestati radni odnos u toku mandata zbog ispunjavanja uslova za penzionisanje, do isteka mandata**".

OBRAZLOŽENJE

Navedene izmjene Zakona o unutrašnjim poslovima predlažem iz razloga što primjena navedene odredbe u praksi dovodi do nejasnoća. Naime, prema postojećoj odredbi Zakona nije jasno šta to znači "na početku mandata. Ovom izmjenom otklonile bi se sve nejasnoće i preciznije bi se definisala navedena odredba tj. da na dan početka mandata kandidat ne ispunjava uslove za penziju što bi olakšalo i Nezavisnom odboru za izbor i reviziju lakše provođenje konkursne procedure za izbor Policijskog komesara. Izmjena stava (8) se predlaže zbog preciznog tumačenja i primjene odredbe u praksi.

S poštovanjem,

U Zenici: 18.12.2017. godine.

ZASTUPNIK

Rifat Delić

